

新刊國朝二百家名賢文粹

新刊 國朝二百名家賦文粹卷第五十八
策

時議策二

天章閣對策一道

包孝肅公

朕自纂紹慶長茲登臨御寓每夕惕以忘勞慮視聽而有怠憂自
近歲以來河朔之間民物散亡水火流注甚可哀憐雖已降指
揮應災傷去處並令賑濟及暴露傷損之人各令照管外其所
慮今契丹亟稱幣況使忽來若非慕化之心慮有可虞之意復
聞聚甲朔邊議收西表夙夜驚心深可預防然事即未萌誠在
安平之論或將來北使詎闕妄稱西去之名共構憂端別有邀
求之事詭譎多涉詐何回答或以今來詐報西行儻有北顧之
慮山川地形甚處可為控扼今以國家方面之計且无自薦輔
翼之能寔藉衆推儻事有枝梧卽領何人洎數路偏將何人可
補欲以威靈綏寧何人堪為鎮靜其朔方自水災衝破戶口流

移而軫救之外軍儲闕乏財賦屢奏以何法得豐儉或急遽之間以何為備其向去雖是豐饒將今所用財貨如何更能省費致物力以漸從容及慮諸路冗兵尚衆作何策精選勇校復又戰馬闕絕如何數足故事雖未兆有備无虞此繫安危更可詢於有位朕朕焦勞得不周悉卿等宜在公忠理當尽瘁

臣某昧死再拜言伏惟陛下有神聖文武之資紹祖宗大業以馭重器三十年于茲矣睿謀神斷豐功偉績歷選明辟夫之前聞猶於聽政之余躬御便坐筆成聖策延閣近臣思究當世之切務茲見陛下降意求治之至也臣聞酌言以擇善莫若尽天下之議然万乘之責不可使人人畢陳於前故用天下豪材傑賢衆寡近位就使其其中三數人能悉意抗論於赤墀之前則天下得失之理如指諸掌矣况今廣延群論預謀安危將托近臣博被清問獨臣昏庸无狀將何以奉承詔旨上副周爰謹竭素有一二條陳以聞願陛下以至明擇至愚則臣不勝大幸切以

契丹自先朝請盟之後邊鄙无事四十余年向以吳越逆命臣
敢上書悻慢併以和親割地為請朝廷寬大未即絕報遣使人
增以金幣又數年矣然夷狄之性不德貪不感義不讓勝不恥
敗况內審吾計有不欲加兵之意乎故自去冬以來移帳雲州
以西討為名駐兵未去今又无故遣使來此不有邀求則別生
詭計但慮以不可從之事為言小不如意得以為新解仇協勢
啓其釁端何况星文示戒水災未弭天意人事未甚和順惟陛
下熟慮而審處之万一无他亦不可忽焉况今三路素為控扼
之所中則梁門遂城南入鎮定西則鴈門句注南入并代東則
松亭右關南入滄州然松亭以南數百里水澤艱險自北界而
出者則塘水足以限其來路惟鴈門句注背長城而南則地望
稍廣漢而胡人古今所共出入之路也自失山後五鎮此路尤
為要害先朝以驍將楊業守代州創築城壘于今賴之緣代州
去雲州數程地又平坦或有侵軼此最可虞孫武曰无恃其不

來恃吾有以待之也。无恃其不攻，恃吾之不可攻也。固不可信。其虛聲也。其實備矣。臣聞將者人之司命，而邦國安危所繫，擇之不可不審。且天下不患乏人，患在不用。用人之道，不必分文武之異，限高卑之差，在其人如何耳。若得不次進用，則必有成。効荀子曰：大賢不待次，而卒大惡不待次，而誅。謂進退賢不肖，豈須歲月哉？今河北沿邊卒騎將，情懷驕，器朽主兵者，非綺紈少年，即罷職老校，隱蔽欺誑，趨過目前，持張皇引惹之說，訓錄有名无實，聞者可為寒心。謂宜委中外大臣，精選其有實材者，擢而任之。其庸懦者，黜而去之。若不速為之，且緩急旋旣之，則无所及矣。且河北者，國家根本之地，存亡繫焉。近年黃河決溢，水災尤甚，飢殍過半，公私窘迫，並累下聖詔，矜卹賑救，使命相望，而農畝荒土，未復，倉廩虛竭，不支數月。此乃前日主中外計者之過也。臣頃歲嘗奉使送伴及出疆，回日凡三上言乞支撥錢帛往河北營五穀，賤將廣募，計置以備兇荒，終以並置言數

不賜施行方今粒食翔貴之時有司雖竭力營辦而費用不足何以取濟若更因循不切措置恐非社稷之福惟陛下特出宸斷銳意而遂行之免成後患臣嘗讀漢書宣帝時以西羌未平京兆尹張敞建議願令有辜非盜受財殺人者皆得以差入穀贖罪欲乞下有司議其罪犯可以贖者脩具事件差入穀多少併河北州軍得以贖罪此亦權宜濟用之一端兩兼三路官負甚衆伏見真宗皇帝朝以河北荒歉減省京朝官使臣幕職等七十五員其逐路部署押陣使車職自觀察而下悉罷赴闕此先朝令典願陛下遵而行之臣又聞河北屯兵無慮三千餘萬然備邊防嚴武事不可闕也而老弱者衆緩急又不可用當此艱食之際供費浸廣萬一粮儲不繼勢必生變望令本路轉運安撫司陳退老病冗弱以寬物力且老弱去則精銳者房物力寬則贍養者足其近裏兵伍即令漸次抽那於有粮儲州軍就食不然財物俱竭爲患不細臣又見頃歲於鄆同州置三馬監

各侵占民田數千頃乃於河北監內分馬住逐處收養米逾一
月死者千有七八迄今爲三州之害議者謂不若依舊盡歸河
北諸監以其地給民則馬無所損不緣統轄利害無由而知今
若委轉運司兼領則巡按察視可以革去積敝歲絀月及必致
增羨又何患戰馬之不足哉臣前所條陳皆國家之常務而言
事者多及臣謂今之切務者在擇政府大臣敢當天下之責獨
立不懼而以安危爲已任者委以經綸四方庶幾可弭向者之
患而紓陛下之憂矣臣愚以爲言之者不難事行則爲福古人
有云言之必可行也又曰非知之艱行之惟艱願陛下參舉衆
善事符機會者思而行之則千慮一得庶少補於蒼輿解汲
索惟陛下裁擇

上仁宗攻守二策

范文正公

臣竊觀西事已來每議攻守未見適中或曰必行進討以期平
定臣謂諸路進討則兵分將寡氣不三盛絕漠風沙迷塞南

饋運輜重動有抄掠賊之巢穴復阻河外莊奇將不能襲至若
寇邊常併兵來擾一路每有朝旨令入界牽制其如將帥方略
非有素定茫然輕進不知所圖但求虛弱之處以剽竊爲功既
不能大振兵威固不能少分賊勢此進討牽制之無効也或曰
宜用守策來則禦之去則勿逐臣觀今之守邊多非士兵不樂
久戍又無營田必須還饋久戍則軍情危殆遠饋則民力將竭
歲月綿久恐生他患此守禦之未利也臣荷國重寄曾無守勞
夙夜營營冀有所補而才疎迂昧終無發明今採邊人而成未
議固不敢謂其可用亦不敢望其必行在朝廷以衆議參之擇
其可否如無所取乞賜殺罷今具下項攻守之議依聖旨直揮
交付樞密商賈面赴闕者

議攻

臣謂進討未利則又何攻臣竊見延安之西慶州之東有賊
界百餘里侵入漢地中有金湯白豹後橋三寨阻延州慶州

經過道路使兵勢不安策應迂遠自來雖曾攻取無招降之
意據守之謀溪兵纔回邊患如舊臣謂西賊更有大舉朝廷
必令牽制則可攻之此其在此可用步兵三萬騎兵五千
解是路步兵一萬二千騎兵三千五百原路步兵九千騎兵軍
一千環慶自過馬步一萬餘官軍外若兵更可七八千人軍
行入界當先布號令生降者賞殺降者斬得精強者賞實老
幼婦人者斬推者併力以戮之服者厚利以安之逃遁者勿
追疑有實也居者勿遷俾安士也乃大為城寨以據其地
城以險而增修非守地則別擇要害之處以錢召帶甲之民
數戶為壯廉其土役不率朝肯令其歸邊城寨臣以兵方饒
事將係官開募錢并海令近上人戶以在夫錢諸與功候戎
二兵士食錢共帶甲戶土倉募情願諸寨此以募二
寨堅牢當留土兵以守之方諸舊寨必倍其數使范全趙明
以安撫之范全令為襄陽副使慶州也都巡檢使明必嚴其
令為東頭供奉官深資東鄉巡檢使
戎曰賊大至則明斥候召援兵金湯東去德靖寨四十里西
去東谷寨八十里西去南柔德
寨八十里自劉西去柔德寨
十里常去慶州一百三十里堅壁清野以困之小至則扼險
設伏以待之居營高估入中及置營田以助之如此可分彼

賊勢振此兵威通得延慶兩路軍馬易於應援所用主兵官

負使臣勇使身死者居其前王信秋青劉程亮可用策應者

居其次在守王信達王遇王文全劉鼎孫張庭侯使臣中可當一隊者參於前

隊張信飛忠有心力幹事者營立城寨周美張泰李定揚

巨觀後漢段紀明以騎五千步萬人車三千兩錢五十四億

三冬二夏大破諸羌又觀唐馬燧造戰車行則載甲兵止則

為營障或塞險以遏奔衝臣以北路山坡大車難進當用小

車二十兩銀絹錢二十萬以賞有功將吏及歸降蕃部并就

羅蜀粟亦稍足用其環州之西鎮戎之東復有胡蘆泉一帶

蕃部與明珠滅藏相接阻環州鎮戎經過道路明珠滅藏之

居北接賊疆多懷觀望又延州南安去故綏州四十里在銀

夏川口今延州兵馬東渡黃河北入嵐石却西渡黃河倒來

麟府策應蓋以故綏州一帶賊界阻斷經過道路上三處

路臣不曾到彼更乞下本外訪聞如此取下一處城寨平定

及畫圖即見山川道路次第也

則更圖一處爲據守之策比之朝去暮還此稍爲穩便

議守

臣觀西戎居絕漠之外長河之北倚遠恃險未易可取建官置兵不用糧食毒舉衆犯邊一毫之物皆出其下風集雲散未嘗聚養中國則不可遠戍之兵以而不代負星霜之苦懷鄉國之望又日給廩食月給庫絹春夏冬之衣鞋襪輸滿道不絕國用民力日以屈乏軍情愁怨須務姑息此中原積兵之憂異於夷狄也臣謂戎虜縱降塞垣鎮守當務經遠古豈無謀臣觀漢趙充國興屯田大獲地利遂破先零魏武於征伐之中令帶甲之士隨宜墾闢故不甚勞大功克舉數年之中所在積粟倉廩皆滿唐置屯田天寶八年河西收二十六萬石隴西收四十四萬石孫武曰分建諸侯以其利而利之使食其地之毛實役其人民之力故賦稅無轉徙之勞徭役无怨曠之嘆臣昨在延州見青澗城种世衡言欲於本處漸興

田利今聞僅獲万石臣觀今之邊塞皆可使弓手士兵以守
之因置營田據畝定課兵獲羨餘中糴于官人樂其勤公收
其利則轉輸之惠又可息矣且使其徙家寨下重田利習地
勢顧父母妻子而堅其守比之東兵不樂田利不習地勢復
無懷戀者功相遠也田畝許番欲進勤荒田以償直儻朝廷許行
此道則委臣舉擇官員約古之義酌今之宜行於邊陲庶幾
守愈久而備愈充雖戎狄時為邊患不能困我中國此臣所
以言假土兵弓手之力以置屯田為守利也然臣觀前漢高
帝之盛中有蕭張決勝千里下有百戰之師以四十萬人之
衆困于平城乃約匈奴和親至高后文景代代如之不絕其
好而匈奴屢變往往犯塞殺戮吏民不勝其酷至於書問傲
慢下視中國而入主以生民之故屈已含容不為之動孝文
即位將軍陳武請議征討以益封疆孝文曰丘國器也雖凡
所願動必耗病謂百姓遠方何今匈奴內侵軍吏無功邊民

父子荷兵日又朕勤心痛傷何且忘之未能銷距願且堅兵
設候結和通使休寧北陲為功多矣且無議兵故百姓無內
外之徭得息有於田畝天下富寔雞鳴犬吠煙火萬里可謂
和樂者乎司馬遷以文帝能和樂天下協於大樂故著于律
書為後代法臣謂國家用攻則宜取其近而兵勢不危用守
則必圖其久而民力不匱然後取文帝和樂之德無孝武哀
痛之悔則天下幸甚漢書元平十一月上時知廣川詔答曰
恐未為良策朕今克獲又須守倍若且勤謝等爵以早蒙
恩賜以意與卿路玄相應接
保心畢力有使宜密具以聞

仁宗賜手詔問十二條皇祐元年

朕據宸極之尊託億兆之上懋謹盈成之戒豈忘勵翼之懷然
而監于猷為未臻古治動於精祲靡致善祥比來星文屢有譎
見夙夜思省匪敢寧居盖慮德政闕修刑賞差虛入有冤滯而
無控雪之路民已匱困而無寬恤之寔官局且設而職務咸亂

典章備存而綱紀不振科役煩重肆成暴刻軍政簡道莫為經
制教令輕出有司未安賢智在下遺而弗爭茲侍在末而不抑
惠澤旋壅而不流有一千茲足戾和氣朕深惟廟社之重祗荷
祖宗之承欽畏天明詢敕人事嘉與近輔交修勸勵庶蒼靈戒
以底休平宜令中書門下樞密院將此十二條於軍國庶務中
推求實事有合更張振舉者密具條上朕當悉心詳究即議
行咨尔股肱咸辦予意

荅御札手詔

聖祖元年

文潞公

臣等各以非才忝居大任不能裨益聖政竊和陰陽以致星文
變有變異下飭人事上貽聖憂陛下曲示包容未賜罷免責以
來効使之極言詔旨丁寧肯恩寬大跪受伏讀兢慙失圖恭以
陛下堯舜用心禹湯罪已欽若昊天戒增修聖政弭災召和宜集
休應聖詔曰德政關修刑賞差濫臣以為刑不為貴近而重責
不可僥倖而求則死差濫矣刑賞不濫則德政自修又曰人有

究滯而無益雪之路民已置困而無寬恤之實臣以謂人有死
常必由郡縣及按察之司節級陳訴若猶未伸又許檢校揭許
圖元獲過之理然更須州郡官吏常得其人為之伸理則民絕
冤滯矣今冗費無算國用窘乏故歲一不登下民艱食雖欲恤
之而力不足也若減不急之務罷无功之賞及兵籍官吏之浮
冗者稍澄汰之則庶幾國用不乏則可以有恤民之實矣又曰
官局具設而職務或弛豈僅存而綱紀不振巨以謂為官擇
人不使僥倖者求而得之久於其任考其殿最而黜之無使
屢遷速易不為苟簡之政則職務焉敢廢弛祖宗之法備在典
冊舉而行之以若甚易但不為權倖所撓則為至難苟上下一
意守茲典章堅如金石行此号令信如四時則綱紀振矣又曰
科役煩重肆成暴刻軍政簡清而莫為綱制臣以謂前之所陳
減不急之務罷無功之賞澄汰兵吏之冗則國用不乏國用不
乏則可以省科役之煩重相郡官吏常得其人雖有科役亦不

至於暴烈失德擇將帥稍假威權撫馭士卒不務姑息勿使貴
臣驕將養於其間則軍政自肅而有經制矣又曰教令輕出有所
未安賢智在下遺而弗舉臣以謂令出惟行慎行始出出而不
慎故行之未安近歲以來茲弊頗甚由議臣輕建言而慎必行
行之無効而終無責或雖有嘉謀而事無近効人之多言損焉
阻議朝廷不能持之故多中交條其事狀此類尤繁舉賢任官
宰相之職宰相不能悉知其人但當慎擇素省長官及州縣大
吏使如近制各舉所知庶幾無遺才矣又曰姦佞妄求而不抑
此正今之所患臣等竊日議之矣又曰思澤旋壅而不流臣以
謂朝廷推恩靡不下究然恐郡縣之吏不稱朝廷之意或通負
之物合除而未除流寬之人可釋而不釋如此類者更宜申明
聖詔日將此十二條於軍國庶務中推求實事有合更張振舉
者悉具條上朕當悉心詳究即議施行有以見陛下求治之心
勤切之至所恨臣等空疎不能上副好問雖然敢不盡竭愚短

通有所裨然今所陳乃其大略蓋慮繁詞終成虛語徒煩睿覽
無補大猷臣等欲將十二條事日舉一兩條細定合更張振革
事件逐時而奏委曲敷陳所冀言之必行行之必當斯亦殊高
聖陶吁謨都俞之義也臣等不勝區區聖詔曰德政關修刑賞
差濫臣等近奉以謂刑不爲貴近所屈貴不爲僥倖所求則無
濫矣臣等請略舉一端如往年蘇舜欽劾異以進奏院養神輒
用官錢即皆坐除名去年曾與宋永宗養神亦用官錢其罰當
與舜欽輩均而曾與等止亭見任近日史昭文等以不與察手
下人吏取受稍場錢物衝替未得與差遣尋有監稍場官閻維
隆等却爲昭文所發亦是不覺察事典取受一初衝替而昭文
即時却令與差遣遣其同事馮殿亦連茹差復而繼差等衝替如
故此蓋昭文曾與輩以親近而從輕罰辱欽繼隆等以疎遠而
受重責又去年親事官作過皇城司官吏官坐重責然此皆是近
臣事職止於降秩補外才逾年即皆復職或更遷官往年張昉

以保州及李敷事降黜數經大赦至今未復舊職言終則皇朝
司事爲重議罪則張氏等輩爲輕外擢舉非理似未均不惟刑
罰失平實恐貴倖壞法臣等以謂今後用法理當振舉更務均
平賞典之濫則如近日司天監周琮李用晦止以選課日展便
乞轉官任平醫官別無勞績妄乞額外轉運如馮琦潘象蘇惟
和依遇明之輩賴陛下聖斷皆與茲抑然未悉如先朝之制及
前後條貫更欲申明明遵守聖詔曰人有冤滯而無控雪之路臣
等請人有冤滯必由郡縣按察之官節級陳訴若未申雪又許
檢校院揭訴計無壅遏之理今欲更敕約轉運司提刑司凡有
理訴並令子細究詳如事理稍涉冤枉即選官就近覆勘勿令
煩擾淹延免致貧窮無資不能詣闕者抑而無告聖詔曰民已
用匱而無寬恤之實又曰科役煩重肆成暴刻臣等以謂國用
窘則科役煩科役煩則民困匱民力既困國用自乏雖欲恤民
不可得已臣等謹言其國用窘乏之由恭惟祖宗以來置兵興

吏及賞錢賜予皆有定制量入以出故財不屈乏自康定用兵
之後添募新兵幾四十萬數年以來雖逃亡減廢之外猶不減
三十餘方每歲所費衣糧錢物等共約三千万貫匹兩石束實
資之數不在焉兼自慶曆二年後來添給二虜金帛每歲共四
十餘方匹兩加以頻遭水旱復除租賦則國用不得不窘則升
役煩科役煩則民力困今將恤民之困窮寬民之租役正在省
冗費而已省冗費之大者在減冗兵巨等只嘗奏述劄於今冬
別立棟兵之格密降付逐路轉運使俟至春首依當年例詳會
帥臣同共依新格擇選老弱以減冗費其次則罷不急之土木
停無功之賜予抑僥倖之求請省負外之冗官衣服用度務從
減省多方節約諸事簡儉年歲之間漸期足用國用既足則
役不煩則是恤民之實矣聖詔曰官苟其設而無務或弛典章
備存而無紀不遵官等以謂官得其人職務自敷遷才任官正
是官無守之責老官須擇人不甚拘以資他事法貴實當持其

殿最三載考績必行黜陟百官修飾勳散解弛臣等請略舉其
弊只如省府之官及外計之任近歲以來遷改頗速有如假道
豈暇察職務爲一切苟簡之政而職業不得不弛臣等欲乞更
頒詔敕約束中外之官必須二年之外方許遷替考其殿最而
升降之若特敕擢才則不在茲限所謂典章者朝廷之大法祖
宗之舊制舉而行之執而用之豈有網紀不振哉蓋近歲已來
緣貴倖之臣墮天法壞舊制者多矣臣等略舉其尤者祖宗之
制官有定員今員外而置官者多矣如勾當皇城軍頭司及監
官使副之比是矣又俸祿之法各有定制等級雖固不可差
今則有任觀察使而請留後俸者如此之類其徒定繁巨等欲
乞今後更不濫舊額而置官逾本官而受俸一守祖宗舊制不
爲貴倖所侵則綱紀振矣乞特頒一詔敕處分聖詔曰軍政簡
隨而莫爲經制巨等嘗謂直擇將帥不務姑息勿使貴臣矯將
舊之軍政自肅矣聖詔曰教令輕出有所未安巨等嘗謂慎乃

出令今出惟行若輕出之必有未允則數易屢改此為政之大弊若近日錢令蓋法為嚴不細而建言者謀之不臧未嘗有責此所以致輕改作而易受弊也往年建言諸州招刺義軍去歲却揀配諸軍人心騷然其始不能詳慎致不數年便有改易自略舉此數條蓋事之稍大者望詔曰賢智在下遺而弗幸臣等嘗謂舉賢擇才輔三之職輔臣之能否悉知衆才惟當慎擇臺省長官州郡大吏使如近制各舉所知庶幾无遺才矣然臣等敢不益勵愚庸博求才智將期得上之美上副任賢之心聖詔曰茲俾妾求而不抑臣等以謂近臣貴戚鑿工卜祝及諸司人吏因湯請託妾迷微勞希求內降如此之類尽守條制一切裁抑則官邪之跡可以漸塞聖詔曰惠澤旋壅而不流臣等嘗謂凡有推恩罪不下究猶恐州郡之吏不称朝廷之意或遺負之物當除而未除流竄之人可釋而不釋臣等欲乞應經前年大赦合放負人物色如省司以未見保明文字州郡以未受朝省

指揮至今尚行催理者速令勘會依赦蠲除編配之人除爲揀
選路分久有已經量移情理輕者今具元犯奏聞看詳依赦釋
放

上仁宗答詔條畫時務

樂全先生

目今日蒙召對資政殿賜手詔一道朝廷急務俾之條畫以聞
目以庸昧謬居近列論思獻納乃侍從之職不能孜孜夙夜拾
遺補闕聖心焦勞躬垂清問閣省值繁之罪開道殘陋之見敢
不承情極慮粗陳大略上冒衡石少補塵露目子之分不勝至
幸伏觀手詔去西陲禦侮天下驛騷趣募充兵急調軍實雖常賦
有增而經用不給累歲于茲公私匱乏此足以見陛下社稷之
長慮憂民之深意也當康定之末慶曆之初朝廷議剽民兵增
添軍籍之時目亦諫官屢上章疏極言其害至于今日事務果
然目昨在三司司會天下財用出入之籍及建隆以來國家舊
養兵數老朝廷速加圖議蓋大祖朝取荆潭收蜀平廣南徇河

東禦西戎虜蓄兵不及十五万人太宗朝平河東備遷賊禦
北虜料兵閱馬志在收取燕薊然募兵不過四十万人章聖朝
備遷賊禦契丹蒐募戰士及契丹請和祥符已後稍稍消汰嘗語
輔臣曰今之兵而古不同古者三時務農一時教戰民即兵矣
今皆坐待衣食國家終費至廣不可不謹於選練故住招募并
疲老以減冗食至于寶元幾四十年天下可謂又安矣向因西
戎阻命宰相非其人慮害不深事失幾先遂致大擾始籍民兵
俄黜以補軍藉陞諸州願軍以充禁旅增虛名以受實弊至于
陝西河北京東西增置保捷一百八十五指揮武衛七十四指
揮宣毅一百六十四指揮慶曆三年因王倫張海等狂賊數十
人更於江湖淮浙福建諸路又添宣毅等二十四指揮凡內外
增置禁軍約四十二萬餘人通三朝兵且八九十万人其御軍
義勇州郡願軍小軍小分半分剝負等不在此數軍人日多民
日少頃來七年之間天下大困生民之膏澤竭盡國家之倉庫

空虛三邊稅賦支贍不足募客入中糧草三司在京給還錢帛加擡則例價率三倍以此度支大計日窘外則剋削諸道之物中則侵用內帑之財尊賞聚歛之人賤立營官之令苟循目前之意莫爲經久之慮天下之事可憂者無大於此也凡此冗兵非維困天下之財用方且成天下之禍階若不早圖後無及矣且景德已前兵不及四十萬人三司歲計不聞有餘今而八九十萬人則何以得足此雖愚者亦可見矣若更加之以橫費因之以飢饉國家安危之計巨愚切甚寒心且兩曾具此事躬敷奏而中書樞密院未聞有所改爲即今便有改爲猶須效在累年之後如救焚溺緩則益不及矣然茲事財實大非君臣同心而上下協濟則事必難成伏望陛下且先將臣此言詳問兩府若別有長策豐財足食則非臣淺智之所及若量入以爲出必無以善於後則乞嚴令天下禁止招募軍人令逐路轉運使提點刑獄更出分按所部州郡揀選疲老便而放停歲須三四次

更互巡歷只依常程旋旋揀放無得宣露朝廷密旨若雖係禁軍其間羸弱憚於教閱願退就廂軍者亦聽從便委樞密院點勘軍籍其人數者即令團併以省軍費其馬軍先馬者即而召募如願補填步人者稍經補充近上衣糧優處軍分其有馬者即與團併足成指揮令堪教習準備使用仍詔諸路經略部管司使詳知朝廷添意有專懷自任先辦國之心者亦在陛下斷自聖心懲一足以警衆矣此其省兵之大略至于嘉謀密議權術幾微則有者密之司又非目所得詳知者也手詔云承平浸久仕進多門人得政濫負多闕少滋長奔競靡實虞祿此又見陛下深思官濫欲清此原之大指也目不敢遂言則代及祖宗朝事請即以景祐年未有邊事之時較之即可知其浮且濫矣目曾幹當三班院約計在院使目景祐中四千餘員今六千五百員員目任御史中丞有本臺班簿點算景祐中京朝官不及二千員今二千八百員目判派內銓取責左銓選人畢竟不

知數目大約三員守一關略計萬餘人十年之間所增官員之數如此若更五十年後其將奈何員數既多賢愚同流才不才又難分別勸罰不立士鮮全行此則天下之所以日不理也今略數入仕之門禮部貢院所放進士明經外近例率以舉數編排別試名恩澤人每榜不下三數百人文臣兩制兩省少卿監以上每歲奏應子弟諸路轉運使提點刑獄正郎及帶職員外郎過郊恩例得奏應子弟武臣自諸司副使軍職大校以上至于官校嬪御內臣近職每歲或遇郊恩奏應皆有常例又文武官內職任或致仕遺奏及諸色特恩錄用者又諸班殿侍三司軍大將內外有吏牙校出職如此計會每歲入官之路微倖攀援日生新例不可勝數糜費倉庫祿廩擾吏民終蕩闕次因緣請託各為身計衣食之所迫逼奔競滋長勢使之然塞源培本在陛下命令而已乞令中書樞密院各具逐年諸色入仕名目及人數取其微倖弊濫尤甚者逐色別立條約稍加裁損其屬三

司殿前群牧司等處副提條貫亦乞各委明敏練事近上官員
重行詳定目聞先朝以前雖將相大臣之家子孫猶多白衣未
任者今自少卿監以上輒每歲任一人不亦過乎如此之類可
謂徇倖弊濫尤甚者稍加裁損未爲傷事也若只因循今日之
例人浮政濫轉恐甚矣手詔云牧守之職以惠綏吾民而卒聞
奏曷將師之任以威服四夷而難於稱職豈制度未立不能變
通於時耶豈簡擢靡臻不能勸勵於今耶此又以見陛下愛恤
蒸民不忘邊惠之意也目請只以祖宗時事言之祖宗之時文
武官不立磨勘年歲不爲陞遷資序有才用名實之人或從下
位便見超擢无才用名實之人有守一官至十余年不改轉者
其任蓋當或知縣通判知州有至數任不得遷者故當時人皆
自勉非有勞效知不得進故所在職任率多脩舉以上用人元
令格惟才是用自祥符之後天下治平朝廷之議益循寬大故
令自監當入知縣知縣入通判通判入知州皆以兩任爲限又

令守官及三年者為考課改轉後又不限在外在京在任不在任但累及三年即例得磨勘先朝行之人始知恩未見有弊及今歲年深久習以為常皆謂如此遷陞本分合得无賢不肖莫知所勸故收守之職罕聞奏最此實制度不能變通於時者也陛下如欲變而通之合稍釐革此制其應磨勘叙遷者必有勞績可褒或朝廷特敕擇官保任者即与轉遷如无勞績又不因保任例更增展年考庶幾乎人稍知勸勉於自効其保任之法不當一例應須選擇清望有才識之人如此則是委執政之巨擘清望官委清望官舉親民官也有弱負隨真致令舉又足以見至恩急才愛民之意此亦小變今弊矣至于將帥之任尤宜駕馭得術仍宜交於其職李漢超自太祖時任濟州防禦使兼閩南兵馬都監至太宗朝擢授應州觀察使仍守閩南通計七年胡虜畏服不敢窺邊止得一改官而已太宗任郭進西山巡檢二十年賀惟忠守易州十余年李謙溥守隰州十年姚内

斌守慶州十餘年董遵誨守通遠軍十四年侯贊守靈州十餘年
真宗任楊延昭守高陽關亦九年假之以事任闊略其細故不
為間言輕有移易責其成效而已又不尚高官常令其志有所
未滿不怠於為用也今則不然武臣指邊郡謂之邊任假之為
發身之地歷邊任者曾无寸勞薄效不數年徑至橫行刺史防
團廉察能飾厨傳熟於人事者即以為才而又移換改易地形
山川未及知軍負士伍未及識吏民土俗未及諳已復去矣將
何以服四夷而得稱職是由棟樑未得於理故下不知所以勸
勵者矣願陛下監祖宗之故事重爵賞以待功勞責久任以勸
能効亦馭將帥之一節也手詔云西北多故虜態難常獻奇謫
空言者多陳悠久實效者少倚豫不虞理當先物此可以見陛
下安不志危思患豫防之遠慮也國家自祖宗以來不急於四
夷之功以愛民為務而已昔太祖但以豐財練兵保邊為事
積帛內府謂左右曰北虜若敢似昔時犯邊我以二十匹絹

更勝於此謂論所不及者

所不及者

應詔言事策

余襄公

伏見陛下屢降手詔兩府大臣條舉當今可行急務此蓋陛下
久厭因循之言思樂興起之治所以頻回清問用行嘉猷固欲
極意更張大去頽弊大臣雖時進畫未副陛下之虛懷或損為
條曰取衆人之忿怒寧且顧慮而不敢作事者其故何哉臣切
思自古帝王必因大災變大患難然後明君側身宰輔協力增
修治道以應時危既有非常之才因可為之勢此皆慮始最難
之事也以今之天下事勢今之大臣所蘊今之衆賢所議巨制
必不能副陛下之望何者自寶元之初元昊僭號慶曆之間契
丹驕傲當此之時天下洶洶惟憂隕越而不能得非常之才因
可為之勢以修國度以修治道入此皆歸過於義士孫呂夷簡責
其性能夠私不識權變自去歲夷簡病去陛下取章得象晏殊
而任之又不能因此時修文法度以副天下與瞻今既逾年人
心無異也若元昊既和之後猶有可為之勢賢民力完國用最

爲先也臣以爲國家常行之務宗師擇諸司之長邊鄙揀長帥
之材牧民選廉良之臣理財委明察之吏則兵刑農政庶幾皆
修矣汰冗兵惜冗費謹山澤之禁則國用足矣省配率恤有無
去侵漁之吏則使民力完矣常謹此數事則民可至於小康皆
當國大事行之不必日陳細碎之務以取譏誚也夫人主所以
服天下者威無不攝令無不行臂指相制罔有違者今之士人
名路相軌不顧憲章各懷倨強如此風俗之弊不可崇長古者
賢智之事爲王羽儀材武之臣爲王爪牙漢之九卿登爲三公
唐之十六衛出領旌節此皆儲其才於待用之地也今之臨事
無間比肩領京師職任緩急有大謀議遣大將帥欲誰使者臣愚
以謂當今爲陛下計者但能使天子自攬威權大臣公行賞罰內
擇將帥外蠲蠻夷之氣塞盜賊之原所以足國用則天下久安之
勢也

慶曆初上求治尤切常慮天下利害不能盡知臣下情意不

能盡達詔令西府兩省近臣各極所言於是言者甚衆然亦有瑣碎不根治弊上頗厭之公疏上上深納其言

議編敕事

宋元憲公

臣伏以國朝以來詔數下而建條比牒連名元曹初府煩科碎目與日而增每罰一事斷一事有司引用皆連篇累牘不能備舉率不紀歲則別加論次謂之編敕條貫飭盡綱目垂張大可舍元細不容廢王者之制揭若日月動如雷霆其言易而文其禁切而廣伏見今日編敕者繁長猥俗與府縣文符無異用字乖外遣新重復益所謂明白溫醇之旨邪實由不專任達識大儒而多用執法之吏夫法吏者奉行其法可也率制法之人哉古人有言治國如治家耕當問奴織當問婢今欲立法更謀致治之本是猶使奴織而婢耕要其成功不可得也臣欲乞專委儒博之老及輔弼六臣商較敕條略依律文爲辭裁制其文布四海使識朝廷之尊傳方世俾知文雅之盛仍自今日以往有

臣庶上言欲釐改舊風建議條奏者願陛下謹其創旨先付
之兩府參之群吏若前條確見其短今文率以為便可行於經
久者即再下兩制令以所陳之狀去其蕪雜取其精意儼約條
令著為章程若事止苛文不足發明利害者皆寢而勿報如此
則法不數變而民知所從言者必難自曰今若依律令以為敕
天下官吏必不能曉臣對曰今天下所頒律令曹魯小吏猶能
用之而依律為敕獨不能曉此膠柱之論也又必難自曰夫詔
敕者多先帝所定而不當改臣對曰凡詔敕之設全自庶上陳
之見寧一出先帝之口哉況聖人以便利萬物為至仁不以因
循陳跡為孝且太宗皇帝改建隆之敕真宗皇帝革興國之法
是皆不可乎此守株之談也

明道二年上時為
三司戶部判官

新刊 國朝一百家名賢文集卷第五十八

新刊 國朝一百家名賢文粹卷第五十九

策

時議策三

論河北守禦十三策

富文忠公

臣伏以北虜自古爲中國患黃帝時謂之獯鬻周時謂之玁狁秦時謂之胡漢時謂之匈奴唐時謂之契丹其名雖異其實則一也有民人而不知教化有土地而不出財貨寒無溫麗之衣飢無甘珍之食凡百所欲率皆不足只知有射獵之事禽畜之獲食其肉衣其皮而已矣於是見中國之盛萬物之富愛而不可得幸而不可及貪憚之性復有越武則不得不爲邊鄙侵掠之患也然爲患深淺係其強弱亦係中國盛衰焉或暫而入寇或連歲擾邊或散處中原或逐出漠北或費兵力而臣蓄之或從權宜而元禮之伏叛相倚勝敗不常歷代帝王知其若此不欲困百姓而外事四夷故有曰比之蚊虻歐之而已復有曰接

以禮讓屬來絕而已又有或質其子或盟於天或啗之金帛以厭其欲或結之姻好以暱其心自古謀議之臣運籌畫策相而爭於廟堂之上者亦惟此數科而已國朝初得天下震耀威武太祖待北虜僅若一族每與之戰未常未克太祖因親征之衄虜勢遂驕頻年寇邊勝敗相半真宗嗣位之始專用文德于時舊兵宿將往往淪沒虜騎深入直抵澶淵河朔大騷乘輿北幸於是講金帛啗之之術以結懽好自此河湟百姓幾四十年不識干戈歲遺差優然不足以當用兵之費百一二焉則江澶鼎之盟未為失策而所可痛者當國大臣議和之後武備皆廢以邊臣用心者謂之引惹生事以搆紳慮患者謂之迂闊背時大率忌人談兵幸時无事謂虜不敢背約謂邊不必預防謂吐常安調兵永息恬然自處都不為憂西北之寇稔知朝廷作事如此之失也於是陰相交結乘虛有謀邊臣有奏敵中事宜則猶曰探候之人妄報所以希賞固未嘗聽也蕃使每到朝廷博

慢則尚曰夷狄之人無禮是非異壘固不之恤也但只自誤赫
佯爲包容其實偷安不肯爲國家忘私任責畫久長之遠經所
以縱其奸謀養成深患是致寶元元年元昊竊發劫載用兵西
人窮困未有勝算又至慶曆二年契丹觀釁而動燬書上聞中
外蒼黃不知爲計不免益以金帛且苟一時之安此二邊所以
敢然者蓋國家向來輕敵忘戰不爲預備之所致也臣深見二
虜爲患卒未寧息西之則北助北靜則西動必欲舉事不難求
變通和則安耳重幣交戰則必敗官軍叛而後知孰敢不詐擒
縱自在去住無梗焉下牽制困我中國有何大害而不爲邊患
有何後悔而長亡惟盟渝盟擾邊我則迷困不幸凶荒相繼盜
賊中起則彼二虜所圖又甚大矣臣故曰二虜爲患卒未寧息
臣上之所陳西北形勢乃唐鑑以前夷狄之事也其後契丹自
得燕薊以北拓跋自得靈夏以西所以英豪皆爲其用得中國
土地役中國人民稱中國位号立中國家爲任中國賢才讀中

國書籍用中國車服行中國法令是二虜所為皆與中國等而
又勁兵驍將長於中國中國所有後盡得之彼之所長中國不
及我當以中國勦敵待之庶幾可禦豈可以古之夷狄待二虜
邪前既輕敵妄戰不為預備致二虜結禍為朝廷深憂今又欲
以苟安之勢遂為无事二虜各獲厚利退而養勇不數年相廝
而起則無復以金帛可啗而盟詎可約也臣向者累奏熟音令
韓琦范仲淹專管西事命臣專管此事臣才識無取溫膺擢任
退自循省何以塞責然敢不強勉夙夜惴惴今輒得守策凡六
事禦策凡七事謹件如右

一河北三十六州軍內緣邊次邊如北京雄霸祁深保瀛漠
滄定鎮興十二州廣信安肅順安信安保定乾寧永寧七
軍總一十九城皆要害之地可以控制虜寇而不得深入
矣定為左臂瀛滄為腹心北京為頭角此四城者河朔之
所望也餘十五城為指爪支節乃四城之所使者定瀛滄

各置一大帥餘十五城分屬定瀛滄三路悉擇善將守之
十九城都用三十萬定五萬滄瀛鎮各三萬塞二萬要會
之地諸路皆通故
此余謂蓄兵稍多保祁深廣信安肅各一萬
保州廣信安
衛故三城鼎足相峙欲以交相會合以禦
在鎮定之東舊頗慢後有東直道入程以鎮定有重兵不肯
趙鎮定路才過保州便從東直道出祁深
往取廣信安瀛滄故祁深亦易也兵稍多雄霸漠順安信
安保定乾寧永寧各五千北五萬為諸路救援之兵今
河朔平時有駐泊屯駐就糧兵十八万本城五万至用兵
時增十万人則戰兵足矣此三十万兵非如景德年閉門
自守皆使出而接戰也當時城守不敢出所以寇兵堂堂
直抵澶淵幾至渡河為京師患今若使良將帥守十九城
分頭三十万衆左右出入縱橫救應誤逗誘衝陷擒虜
巨雖愚未信虜敢長驅而南也頃年大兵悉屯定州然閭
城不使出戰者蓋恐一敗塗地則無以救援且防中渡之
虞也今雖用兵三十萬而分置十九城右駭則左救從失

則橫接豈更有昔時之虞邪其外十七城不復蓄兵只以本郡鄉兵堅守不使出戰

河朔州軍長吏最宜得人以備匈奴之變自來都不選擇賦汙不才年老昏昧者盡使為之又移替不定久者不過一二年其間苟且之人只是尋尋常之務其經久利害自知不及其身率皆不為前後相承積弊且甚若不選人久任以矯前失則異日虜有變故邊城不守浸淫深入為患不細其上件十九州軍在河朔元為要害因定保雄霸潞五州廣信安肅順安信安四州已得首選人差定見施行次北京已有大臣自餘鎮塞瀛漠祁涿六州保定乾寧永寧三重比平一寨亦乞選差長吏並使久於其任內績效著聞者優與就任秩祿及厚加賜予使樂於邊寄亡所怨苦則悉心營職自甘久處或廉勤可向上有不足者罷之與內地合入差遣若故為乖繆欲違邊任及有罪不可

留而法不至死者廢之終身如此則人知禍福必及孰敢
不勉別有事件已具進呈

一除上件十九州軍長吏已下並乞切舉各路轉運提刑安撫
部管鈐轄分擘卒充仍委樞密院三班審官鈐司選擇不
許循入並須三年一替所貴上下得人衆職皆舉用兵之
際有可供使與夫臨時外求得失相万也

一屯兵備邊古今常制所患者民賦有限兵食多缺必須廣
為經度其間歲有凶歉謀之不獲或寇至益兵食常不足
則暴斂橫取何所不至民由是困益由是起此歷代之所
患也何者自石晉失燕薊之際無所固守是以蓄兵愈多
積粟愈厚國朝踵之頗久至景德講和之後兵備漸弛粟
亦隨減前年澠忽生變雖強臨復和而終非悠久之計自
此邊釁已兆向去未有意乎歲久宜謹備禦之策使久而不
虞臣輒得養兵一條其一據守邊兵馬合畱外屯駐駐泊

就糧諸軍悉分屯於河內鄆齊濟濮等州以教以養況其
地富實是不營而足率三年一代遇有警急發將召之不自
日可到豈有後期不及者邪所以略省河朔誅歛以寬疲
民使之安逸蘇息坐待寇至而用庶幾沛然師有餘力可
以禦敵其二緣大河川軍起叛者文移河南民稅及漕江
淮粟以寔之分屯近邊兵馬每二歲一代亦足以寬河隍
之困民二者可擇焉或兼用亦善不然臣恐無事時河北
已見殫竭一旦用武又重加歛民必怨叛則肘腋之下皆
爲仇讎豈暇禦外寇哉

河其最號勁兵之處若盡得精銳則無敵於天下况夷狄
乎頃年朝廷未與匈奴講和虜每入寇唯懼北兵視南兵
輕蔑之以我分南北兵各爲一軍凡虜陣必先犯南兵南
兵潰則并北軍累之而必敗懲此因有以南北兵混而戰
者敗走北兵南兵尚多徒能張為虎聲而寔不足用臣願

自今河北增募士人爲禁軍料錢不可過五百文每成一指揮即代南兵一指揮歸營不數年三十万盡得北兵不教之精勇則匈奴自當畏服豈敢輕動哉恐議者謂不宜益兵則請於別路罷招以此易彼亡所增矣既得士兵勿戍他郡糧不足則願用臣前養兵二條

一北虜風俗貴親率以近親爲主王將相以治國事以掌兵柄而信任焉所以視中原用人亦如已國向者憖王威望著於北虜知是皇叔又爲王爵舉天下之尊無與二謂朝廷庶事皆決於王又疑王善用兵天下皆王主之嚴刑好殺無敢當者北虜疑此益所畏懼故燕薊小兒夜啼輒曰八大王來也於是小兒輟啼每牽牛馬度河或旅拒未進又曰必是八大王在河裏其畏服如此虜人每見南使未嘗不問王安否及所在朝廷以王之故亦見重於虜朝廷有如是親賢每欲妄動未嘗不畏王而止今春王薨識

者亦憂之謂王之生則北虜以朝廷為重王之薨則北虜以朝廷為輕矣巨亦嘗念國家將帥既未聞於夷狄而親王素有威望為匈奴所畏者又已淪謝且不復更聞有皇親可以為朝廷屏翰者必謂王室孤弱無所扶助本根不固易以動搖此誠宜為夷狄之所窺則也巨願陛下親擇宗室中年長知書識理道曉人事者十數人為王畿千里知州應宗室不達民政或有任性為事通判位下難規正巨願方嚴公幹直上朝且一人為同知州所貴勢均力敵可以共事而無所乖失俟歷一兩郡又擇其次者數十人為千里內州郡鈐轄恐亦未練軍政職事不彜其都監監押未可威省巨擇廉幹歷其年少官卑度其稍堪差使者為巨同察而裁與之畿縣都監監押雖年少亦須二十歲已上並限二年一替亦用文武巨察賞罰之法以勸沮之內有勤儉好孝悌素屬有曉習文法能治民事者量高下等第或降詔獎諭或賜金帛或遷官秩有諸過者亦量大小等第或罷俸或貶

金武降官甚著召還黜於官宅俾之省過一二年後遣補外凡三省過而遂不改者終身使奉朝請如此教育之選試之善者必賞不善必罰臣知不數年當有賢宗室如前漢河間後漢東平三王者不為難矣內可以藩屏王室外可以威示四夷此有國家者之急務臣觀三代以後興王者今日得天下明日封建宗室至于樛櫨之子亦皆為侯為王分割土地自成邦國所以分布枝葉庶幾根本張大王室壯觀天下使夷豪無間辭無異意謂四海之內盡是一姓雖有凶謀變計不敢妄動此前代帝王制馭天下長久之策也布在簡牘驗之可信今則埋沒抑壓僅同秦養縱其非僻殊不教訓雖有說書之官又實虛設是尽欲愚之而不令知善道為善人甚非帝王養宗室之義也至於臣庶之家有子孫弟姪者無不孜孜誨誘使之成器蓋持門戶主祭祀若子孫不肖則家道淪沒又有格負之夫毀

乎微者曰求外合之藥以活妻兒固每日那一二錢令厥子入市乞謂之乞謀亦欲厥子讀書識字有所進益而嗣其家國家富有天下其基業全盛實祖宗艱難而致所宜子子孫孫相承不絕為方世之計豈可宗室滿宮而陛下都不教導任為過惡俾外夷輕笑是陛下自去牧業而取孤根易搖之患自竊憂之曰又伏思陛下任李用和為殿前副指揮使任曹瑛為馬軍副都指揮使是任親也用和與琮誠親矣然皆異姓異姓者尚有信之則宗室同姓與陛下是骨肉之親反不可信之哉陛下不過謂宗室無人臣謂今則誠未見其人教之試之當自有人矣今惟朝會時群行旅進青氍滿道士大夫見者方知有宗室但出得都城四門之外已不知宗室之有無况天下乎况四夷乎況古直至周世宗其間所歷何啻萬代而宗室不教不試不用微弱之人未有如本朝之甚之極者也宜乎為識者之

所憂而此虜之所輕也且如北虜有兩人王蕭孝穆北大
王蕭孝惠曾王陽隱楚王夷離畢是其近親者其衆自前
歲表使盡與之接又詢其國人未必實言于武而中原聞
之莫不疑其人人皆良將也其故何哉蓋聞其名而疑其
有實亦今朝廷若能崇植宗室使聲名漸著聞於北虜亦
謂南朝宗室有人根本牢矣藩屏固矣欲謀則息欲動則
止古者有以實效濟務者亦有虛聲攝敵者兵尤重先聲
而後實況巨之所說必能聲實相副願陛下行之無疑
景德以前緣邊主兵無事時戍本州軍寇至則盡爲逐路
部管司抽起公邊缺人却以南兵屯守其無謂也夫土兵
居邊知其山川道路孰其彼中人情復諳廣在次第亦精
其營護骨肉之道且又服習州將命令所以禦兵必堅戰必
勝也若遽入內地則山川道路不知人情不熟廣兵不諳
骨肉不在州將命令不習又焉南兵怯弱所與則樂不必

堅戰不必勝也北虜雖懼王兵每聞以南兵替入內地虜
人大喜故來則勝而回前年何頌有警定帥復尋與德英
軍盡抽邊兵守定州河湟之民大恐以謂官軍必敗幸而
虜師中止不見失律不然喪師必矣巨願自此若虜入寇
公邊土兵只在本處不復令部管司抽移若逐處土兵尚
少即以南兵益之如其有餘方許部管司抽起况部管司
自有近襄州軍土兵可以聚而為大陣矣城分上篇議十九
方出戰餘十七城係近襄州軍只用鄉兵守之更邊兵勇
不出戰其逐路部管司於十七城聚大軍兵矣悍不畏堅敵重騎初入使當堂堂之鋒或得便可戰必能
取勝則近襄州軍人心自壯雖南兵之怯亦自增氣苟以
南兵左邊遇寇一敗虜騎乘勝而南則表裏震震恐足精銳
盡在部管司亦已沮喪安能保其全勝哉

景德以前匈奴寇邊多由飛狐易州東道東西口過陽山
于度滿滅入自廣信之西後又多由兵廣信安肅之間大

抵虜騎率由西山之下入寇大掠州軍然後東出雄霸之
間景德前二州之間塘水不相接因名東塘西塘二塘之
交蕩然可以爲虜騎歸路遂置保定軍介於二州以當賊
衝厥後開導不已二塘相連雖不甚浩渺而賊路亦少梗
矣然或窮冬冰堅或旱歲水竭亦可以濟未爲必安之地
雖然但少以兵控扼之則虜騎無以過矣自餘東從泥莊
海口西至保州一帶數百里皆塘水渺漫若用以爲險可
以作限只自保州以西至山下數十里土塘水之阻虜騎
可以平入虜若守盟不動則我無先發但用臣上篇屯兵
之法足以固守万一渝盟入寇用臣之策可以轉禍爲福
逞志泄憤矣何以陳之今虜若寇邊必由廣信西來虜騎
初入境沿邊州軍堅壁亦不得出兵虜必不顧而進將入
鎮定亦堅壁虜心易我而懈於是令廣信安肅保州三城
開壁會兵嚴張而不與戰虜必分兵來禦已而令鎮定五

開壁復不與戰虜既前後受敵必未敢長驅而南於是我

急從滄州取海上路以數十艘出輕兵三千趨千州入寇

家口咫尺燕薊計燕至北界平地水路約五百里不計其

日然後自雄霸之間即景德年虜集東蘇之路也又出精兵直抵燕京

會滄州兵搗其腹心破其聚積彼見兩下兵入則莫知為

計矣燕地其亂入寇者必有歸心又為王師所牽而不能

遂去於是乘其向背之際使必邊三城及鎮定兵合擊必

大破之追奔及燕盡逐虜兵過山後虜兵入界則整若敗

為驅除矣則虜騎無復南者因其妄動可以一舉而復

全燕之地拔數郡首吳之盜平累朝切骨之恨臣自謂必

無遺策矣既以兵守四關口外惟西山後有新開文牛鐵

脚猪寨三日虜人以通山後八州之路然皆峻狹不容車

馬虜人鑿山為徑只通人雖不加防守亦無所害或於口

側以伏兵馬縱虜入寇發伏可以盡殺之假如陛下謹重

未欲盡奪復燕之策即請寇入之後頓重兵於西山下虜
騎有所掠而東出亡路進退不遂我於是以十九城之兵
分布掩擊必使退敗保無深入之患虜勢既屈與物則削
與和則久亦制匈奴之下策也

一燕地割屬契丹雖逾百年而俗皆華人不慣為匈奴所制
終有向化之心常恨中國不能與我為主往往感憤形於
勸哭臣前年奉使虜廷邊上往復數次邊人皆勸臣無重
契丹以困民方一入寇我公邊土人甚有豪傑每一豪傑
可自率子弟數百人為官軍前驅願朝廷復取燕薊五等
却為華人死亦幸矣自切壯之慰謝而退朝廷之力未及
外禦遂虛邊蒙之請雖臣未嘗忘懷思為異日之外用自
後不輟尋訪所得邊蒙頗多將來虜若寇境臣必能以所
得邊蒙令自率鄉戶各成一隊或為嚮導或為內應或破
陣或攻城大可以為王師之助矣其始去則質其家其成

功則厚其賞臣不患其譎而友為害也

一古者有外虞則以夷狄攻夷狄中國之利也朝廷西有羌人之患力足備禦不假求外援以自助唯是北虜強盛十倍羌人異日渝盟悉眾南下王師力若不給則禍未可涯宜求所以牽制之術使有後顧而不敢動則有所憚而不能盡銳以來我力足以禦之此不可不慮也今契丹盡服諸番如元昊回鶻高麗安真渤海憲惹鐵勒黑鞏室韋摩勒步奚等弱者盡有其地強者止納其貢賦獨有高麗不伏自謂夷齊之後三韓舊邦讀書社義之風不減於中國契丹用力制之高麗亦力戰後不得已而曰之契丹知其非本意頗常勞於制御高麗亦終有歸順朝廷之心臣伏見淳化年中其國王王治遣契丹兵入境遣使元郁來朝納款太宗不從但婉順回答又於咸平年中其國王王誦遣戶部郎中李定古來使直崇不納但降優詔而已又於

祥符七年其國王王詢遣工部侍郎尹古貢表來使表稱
今斷絕契丹乞歸附大國仍乞降正朔并皇帝尊号真宗
又不許陛下即位後天聖二年復曾遣使來朝朝廷差
柳植管接其事甚近可以按證前後高麗四次遣使修貢
每來必言不願附契丹而願歸朝廷終不允納雖然高麗
款附之切如渴者望飲飢者望食無一日而忘也但略遣
人翹發則其來必矣來則善遇之許其歲朝京師賜与差
厚於前以回其心優為詔命之辭以悅其意它時契丹復
欲犯順以逞志我遣人使高麗激之且約曰契丹往來无
故侵高麗三韓之地今又累興師深入誅求無厭高麗其
苦之我先帝重惜民命不欲數與之鬪故歲遣厚幣於茲
數十年矣今契丹又欲背施肆毒犯我邊境我軍民並怒
皆願死戰我不敢違衆師行有日高麗又率兵相應表裏
夾攻契丹敗則三韓之地及所得人民府庫亦歸高麗我

秋毫不敢有但止復所割故地尔高麗素怨契丹侵其地
又怨海歲然取過重何者恨無大國之助以絕之聞今之
說必然從命然則契丹不足破也或者疑其納高麗則契
丹可以為憂端不使臣荅曰前歲之隙豈為納高麗與薛
邪夷狄之性變詐多端苟欲背盟何說不可豈且動自拘
礙不敢有為直俟禍來坐受其弊愚者尚不肯如此况謀
護天下之事乎高麗果入貢假契丹來問我當荅以中原
自古受方國之朝獻知高麗素稟朝廷正朔但中有阻隔
今却復舊好使我何辭阻絕之與契丹納諸國之款一也
契丹安能使我必不納高麗之貢哉且又思之若契丹寡
弱不足為虞或能謹守盟誓無陵侵中國之志則何用遠
納高麗之款而忽契丹之約今契丹盡吞並諸事力雄盛
獨與中原為敵國而漸有憑陵之心况前歲已生釁隙自
知不且謂朝廷偽增金帛後圖釋憾不久又將先有以制

我焉敢而謀之則不及矣經營措置今及其時臣又嘗聞契丹議曰我元昊與高麗約通衡攻中原元昊取關西高麗取登萊沂密諸州又曰高麗開海恐不能久歲以我我則取河北三十六州軍以河爲界臣聞此久矣万一果如斯說臣恐朝廷必無以制之外寇如此窺圖中國中國但因循日過一日臣不知終久如何夫高麗累年貢奉朝廷朝廷終不許遂決志事契丹所以爲契丹用也契丹旣使無令不從今朝廷能討高麗進貢正遂其久志則必反爲我之用矣契丹何能使之耶臣孰知高麗雖事契丹而契丹實憚之天聖三年契丹嘗伐高麗契丹朝延遣高麗獻契丹兵三十萬足馬隻輸無回者自是契丹常畏之而不敢加兵朝廷若待高麗不必俟契丹動而求助臣料契丹必疑高麗爲後患卒未敢太衆而南只此已爲中國之大利也臣願陛下行之無疑

鎮定西山有谷口十餘道尽通北界山後之路景德已前
不甚所執蓋無險關峻狹林木擁遏故虜卒由茲路而入雖
有來者亦必艱阻臣頃聞河朔人說契丹自山後斷伐林
木開鑿道路直抵西山漢界而止今則來往通使可以行
師臣亦細詰其由云契丹舊亦疑朝廷有復燕之志恐天
兵渡界河直北趨燕京則虜人欲出我不意由山后進兵
旁擊鎮定橫行河朔牽制王師以解收燕之患也臣必判
往年緣邊已曾探報聞于朝廷今或契丹自廣信安肅入
寇我必以重師禦其鋒若有西山別衆出于鎮定橫行背
擊官軍敗績則大事去矣兵家切務不可不知當得能幹
而謹密者陰往經制如何屯戍如何捍禦必有可以勝之
之術先事而定以待其來則保邊之道也

祁深二城舊非要郡宿兵至少故城壘迫而陋不甚修葺
功聞契丹今復入寇知吾重兵屯鎮定不肯南向直走繞

過深州使取東南路由祁深以來祁深二壘當廣而高之
以防攻逼昔書言不待制制地又曰虜既懷德足守忽
祁深必謂二城兵寡不戒而過我若乘其不備使二城皆
出精兵首尾應而擊之必大得志此係於臨時非可預度
然亦當知之俟其變則易為謀矣

一漢唐以前匈奴入寇率由上郡鴈門定襄等路蓋當時中
國據全燕之地有險可守匈奴不敢由此路而來也自石
晉割燕薊入契丹無險可守由是虜騎直出燕不復尋定
襄等故道今朝廷若留意河朔邊鄙有備虜卒不可得而入
頃求別路以來路或難可入寇第取定襄等路為犄角之
勢則河東不得不大為防或朔立城池或造作險阻何地
可以設奇伏何路可以出卒制此須預為經度素有隄備則
臨時足有御捍雄卒不至倉黃使與河朔表裏相應寇不
能逞其欲實邊防之急務也

右守禦三策論一十二條是臣庚辰壬午二歲奉使契丹日於

河朔往回十餘次詢諸緣邊士兵并內地故老博采參較得之

其詳及到廣庭議事文頗見其情狀以至稽於載籍質於時務

用是更聚撰述以副陛下委責之意即非臣任旨臆周聖聽惟

陛下令兩府會議可者速行之其未可者交相致詰而是正之

臣必不敢持已徇私旁拒眾證兩府亦不得畏事養病而無所

發明如此則庶幾謀行而患可弭矣臣聞古者人君遭是難則

退修道德可以無咎是故文王出姜里純任教化而終滅獨夫

勾踐脫會稽厲精武事而卒破夫差又聞主憂則臣辱主辱則

臣死是故陳王荅書悻悻而楊素下殿請死蔡賊跋扈難制而

裴度誓不兩全終之隋滅江南裴度平淮西有以見古之君臣

所為各得其道而不建功立業聲施後世者也昨契丹背約辱

索無厭朝廷以中國之尊凶醜敢爾陛下固未聞有文王勾踐

復雪耻之心臣下亦未見有楊素裴度死難正賊之志並此

而望排患解紛建功立業如古之君臣何可得也臣計北虜勢
方強盛可以入寇而剽肯議和者有計也謀而後舉以爲萬全
之策也又計工國之勢如人坐積薪之上而大已然雖焰未及
其身可謂危矣北虜之強旣如彼中國之危又如此而尚不急
求所救之術是欲秦之魚爛梁之自立邪臣備在樞府夙夜憂
畏恨未得死所少紓國難願解臣密職與河朔一要郡得以效
拙經營邊事雖未敢必謂無虞然料臣可稍寬陛下北顧之憂
矣伏準早賜裁幸

慶曆四年六月十一日
時爲樞密副使

新刊 國朝二百名家賢文粹卷第五十九

新刊 國朝二百家名賢文粹卷第六十一

策

時議策四

論備邊七策

韓魏公

臣聞漢文帝襲高惠承平之後躬行節儉國治民富刑措不用
時賈誼上書言事尚以為可慟哭太息豈其過哉蓋憂深思遠
圖長久之計欲大漢之業垂千萬世而無窮者今陛下紹三聖
之休烈仁德遠被天下大定民樂其生者八十餘載矣而臣竊
觀時事謂可晝夜泣血非直慟哭太息者何哉蓋以西北二虜
禍釁已成而上下泰然不知朝廷之將危宗社之未安也臣今
不暇廣有援引請粗陳其大槩竊以契丹宅大漠跨遼東據全
燕數十郡之雄東服高麗西臣元昊自五代迄今垂百餘年與
中原抗衡日益昌熾至於典章文物飲食服玩之盛盡習漢風
故虜氣愈驕自以為昔時元魏之不若也非比漢之匈奴唐之

突厥本以夷狄自處與中國好尚之異也近者後漢朝廷西方
用兵違約遣使求關南之地以啓爭端朝廷憂念生民爲之隱
忍歲益金幣之數且固前盟而尚邀猷納之名以自尊大其輕
視中國情可見矣又元昊父祖以來蓄養奸謀招納亡命雖外
示臣節而內全兵力至元昊則好亂逞志併甘涼諸蕃以拓境
土自度種落強盛故僭號青恩北連契丹欲成鼎峙之勢非如
繼遷昔年跳梁於銀夏之間示元昊累歲盜邊官軍屢勦今乘
定川全勝之氣遣人約和則知其計愈深而其事可虞也議者
謂昨假契丹傳道之力必事無不合豈不思契丹既能使元昊
罷兵豈不能使元昊舉兵乎比來辭礼驕慢殊未屈下北虜之言
既已無驗亦豈有合從之策以困中原朝廷若軫西民之勞暫
求休養元元且以金帛啗之待以不臣之禮臣恐契丹聞之謂
朝廷事力已屈則又遣使移書過激尊大之稱或求朝廷不可
從之事隳其益弱然後駭大羊之衆直趣大河復使元昊舉兵

深寇開輔當是時未審朝廷以何術而禦之或西鄙稱藩專事
北寇陛下親御六師臨瀘淵以待之即未知今之將卒事力與
環衛統帥比真宗北征時何如欲駐蹕北京以張軍勢臣恐虜
衆由德博度河直趨京師則朝廷根本之地宗廟宮寢府庫倉
廩百官兵軍家室所在而一無城守之略陛下可擁北京之衆却
行而救之乎臣所以謂可晝夜泣血者誠憂及于此冀陛下下
悟而急於拯救也朝廷若謂今之盟約尚可固結則前三十年
之信誓朝廷何負三虜而一旦違之哉彼狼狼之心見利而動
又可推誠以待之乎夫得於先見預為之防則功逸而事集若
變生倉卒駭而圖之雖使良平復生為陛下計亦不能及矣臣
是以夙夜思之朝廷若不大新紀律則必不能革時弊而弭大
患巨軋畫畧今所宜先行者七事條列以獻其大略一曰清政
本樞密院本兵之地今所主多苛辟眇末之務中書樞密院事
有例者著為法可擬進者無回奏其餘微瑣可悉歸有司使得

從容謀議賜對之際專論大事二曰念邊事今政府循故事纔
午即出欲稍留則恐礙衆退朝食罷忽遽簽書而去何暇及疆
事哉謂宜須未正方出延此一時以專邊論三曰擢才賢自承
平以來用人以叙遷之法故遺才甚多近中書樞密院求一武
臣代郭祚祐聚議累日不能得謂宜倣祖宗舊例於武臣中不
次超擢以試其能四曰備河北自北虜通好三十餘年武備悉
廢慢書之至騷然莫知所爲宜選轉運使二員密授經略責以
歲月使營守禦之備則我待之有素也五曰固河東前歲吳賊
陷豐州掠河外屬戶殆盡麟府勢孤絕宜責本道帥度險要建
城堡省轉餉爲持久之計六曰收民心祖宗置內藏庫蓋備水
旱兵革之用非私蓄財而充已欲也自用兵以來財用匱竭宜
稍出金帛以佐邊用民力可寬而衆心安矣七曰營洛邑今帝
都無城隍之固以備非常議興葺則爲張皇勢民不若陰葺洛
都以爲游幸之所歲運太倉羨餘之粟以實其廩庾則皇居壯

突厥三年七月上

論安集十四事

田宣簡公

一曰自吳賊弄兵侵噬西蕃開拓封境僭叛之迹固非朝夕始於漢界緣邊山陰之地三百餘處修築堡寨欲以收集老弱併聚壯健爲入寇之謀初貞熹書亦未敢擾范雅在延州屢使王文鳳輩先拜侵掠規貪小利賊遂激怒其衆執以爲許王師伐叛弔民之弊自此失之劉謙高繼嵩等破龐諸族任福襲青諸族任福襲白豹城皆指爲大功無不殺戮老弱以爲首級彼民皆訴免於賊以求復讎吾民受制異類而又使無辜被戮盡置人靈上下文移皆謂之打虜吁可媿也或謂國家以不用兵將卒未練欲使移功驚利習於戰鬪不然賊界諸處設備甚謹屢行打族俘獲無幾陷沒極多如郝仁禹打反賊族亡三百四人無所獲任政打開訛堡亡一百九十三人秦鳳部管司打龐波族亡九十六人各獲首級麟府軍馬司入賊界牽制亡三百

八十八人斬敵十八其餘大士小獲無足言者以此計之實傷挫
國威取賊輕侮自今且且罷打族但嚴設守備以俟賊至然後
別為之策以破茲謀二曰自吳賊寇邊王師屢戰不利非止入
謀不善抑亦衆寡非敵近因好水川之敗士氣愈怯諸將既沒
牙隊之兵罪當斬朝廷首示寬貸欲為招輯伸恩屈法事非
獲已軍中相勸以退走自全為得計城西雖有近二十方防戍
城寨二百餘處所留極少近又欲於郾延環慶涇原三路各抽
減防守戍兵郾慶渭三州大為屯聚以備賊至然令郾延路有
兵六萬六千餘人環慶路四萬八千餘人涇原路六萬六千餘
人除留諸城寨外若逐路盡數那城屯聚一處更會合都監巡
檢手下兵併為一陣極不上三三二萬人賊若分衆而來猶須力
決勝負或吳賊自領十餘萬衆我以三三二萬人當之其勢固難
力制議者但欲以寡擊衆幸於偶勝非万全策也夫能以寡擊
衆傲一時之勝者或得地利或發奇策非可恃以為常令必

之形洞可前照而恬然坐視莫知更爲計也議者又謂賊若併
兵而入則率作路援兵以禦之且賊每入寇旣有所得馳驅
卷一夕而去他路固無所及矣或謂收保邊民持重以觀其勢
可擊則擊不可則已賊不過破毀民生因食野積而歸尔此苟
一日之不敗則可以深慮後患有異於斯巨去冬在都下嘗聞
士大夫相與言謂小羌不足憂何則叛命之初我無邊備若兵
隋燬至則關中安危未可知此賊計之失也自劉平石元孫陷
沒中外震駭賊若長驅而至誰能當之此二失也臣始聞此說
亦誠謂此賊之易與也今觀其包藏變譎圖全擇利乃知所謂
失策者實賊之得計也且賊之未敢長驅亦猶我之未可深入
所以然者主客異勢進退懷疑邊防之兵並出其後險要之地
或斷其歸是皆成敗於一舉豈勝筭哉自李彬被虜劉平等敗
沒延州之境蕩然一空日者山外之民殺掠奔潰已亡大半是
謂州之境又漸空矣料賊今秋或來春猶且驅劫而也必使我

藩籬盡去表裏可見然後安城破邑斬謀長驅則血後顧之患
臣所以謂關中安危斷不可測願朝廷爲勇斷之計也所謂之勇
者在于發內帑之財募陝西河東強壯之民五七萬人分屯鄜
延環慶涇原三路俯及防秋則以逐虜弓手分番戍守成寨而
參以正兵每內及五六万人以上精加訓練我軍既衆其氣自
振也必曰募民兵則衆情不安增邊戍則大費不贍此循常拘
近之論也且民兵之法祖宗所行訖今軍中餘老多在加之出
錢選募非同黠差其中必有樂於助用者且內帑之積祖宗本
爲用兵今乃其時也三曰用兵之法當先有分部分進退權
於大將旗政常在中軍自西陲用兵每戰必敗野水川之戰任
樞實爲大將而不能指揮統制以爲已任乃自率一隊前當衝
鋒矢盡勢窮而後陷沒忠勇之節雖可嗟憫然論其才力止一
卒之用夫部分不明多則不能辨少則不能勝進退無所勸退無
所止一有紛亂則其勢北矣欲矯此弊在乎先求大將之才後

其威權而尊寵之如曷懷敏為鄴廷部管張元為軫轄等以偏
師之禮奔走率下若犯令即當誅之乃平素往來動皆鈞禮韓
琦范仲淹為經略副使曷懷敏見之禮容極慢上下姑息三軍
之士何所法耶夏竦陳執中不能身當行陣為士卒先至於選
擇大將明定部分乃其職也乞朝廷降詔令更互巡邊采索邊
臣中有材任大將者特為不次拔擢其驕怯之將每自顧重不
為國家尽力者委罷之則部分立而功可興矣四曰自古用兵
未自不由間諜而能破敵者也吳越所用諜者皆厚加賞賂極
其尊寵故規我機宜動必得實今邊臣所遣刺事人或臨以官
執或量以茶絲止於屬戶族帳內采道路之言便為事實賊臣
變詐重成疑惑今請有人賊界而刺得實者以錢帛厚賞之賊
將野戾剛浪倖遇乞之徒皆元昊親信分用王兵俯近漢界出
入從者不過一人若能募死士陷肯碎首是去賊之手足王公
雖欲用此策但朝廷不惜美官重賂則功豈難圖五曰唐置都

護府掌撫諸蕃征討斤侯及行賞罰叙錄勳勞其屬有長史
錄事功食戶法諸曹員得爲開府之盛國朝承五代之後事歸邊
防當西陲安輯時朝廷故無懸息及此今吳賊大肆殺掠緣邊屬
戶各顧家族心生向背又使蕃人縱行誘脅以此賊勢轉盛而
邊候無復扞蔽今新置招撫蕃落司所謂招撫者非飲食不足
以得其驩非賞賂不足以回其意非術數不足以舌訖一作非其動
非刑誅不足以制其驕驕者曹偉在素州誅賞並行戎落懼伏
此巫原用韓質秦鳳用張僕皆韓琦隨行指揮使雖各有武勇
至於招撫之術豈可倚耶環慶一路屬戶未嘗經賊殘破部族
全整人堪戰鬪若緩御有術可得精兵數方請令都管舉官與
王慶端協力招撫仍只令韓琦王公龐籍張奎同領之事之大
者關報都部管司其餘知州通判更不兼管以養正兵萬人一
歲之費爲記撫之具則事無不濟目來屬戶敗鬻膏白益以求
厚利今一切禁絕之欲以困賊然絕屬戶之利無以資其生太

宗朝鄭文寶請禁書目蓋以因賊迂可不戰而屈人兵詔自陝
以西市之者皆坐死其後犯法甚衆戎人乏食寇抄邊郡內屬
萬餘帳歸繼遷命錢若水馳傳視之因詔尽復舊制戎人始漸
歸附今日之勢力若原加招撫稍寬蓋禁則屬戶无不得用議者
疑邊饋已窮而又興費不訾非至計也且國家通使唃廝囉欲
誘以為用賜帛二万以促其出師終无實報是捨屬戶近成之
効而信西蕃遠妄之言豈至計耶自吳賊破犂牛城築瓦川會
而唃廝囉遠窺歷精城偷安苟息其子忙壇角瞻壇自立皆為
仇敵尚不能制矧能為吳賊輕重耶温逋其乃唃廝囉親信首
領之憂其子一聲余龍有衆万餘最為強盛乃為吳賊結姻唃
廝囉日益危弱今欲以為國家用非巨之所能知也以是論之
招撫屬戶不猶愈於彼乎六曰環慶路投來蕃部極多夏竦等
遷延安之前失慮賊馬奔衝內應為患欲迁襄唐州界給曠土
使就生業又皆不肯離住坐驟加起遣則戎心動搖或致生事

若招撫舊落司得人令躬至族帳察其心之向漢者給緣邊關
田編於屬戶或廣其後必生變者徙之內地然恩威裁制其事
百端苟非權謀未易集事也七曰蕃落廣銳鎮武保捷皆是土
兵材力伉健武藝精強戰鬪嘗為主卒先自吳賊擾邊以來唯
士兵踊躍志在爭功其如請給甚微不及東軍之下者振武料
錢五百而一百五十為折五積數月一支又皆靡弊不堪之物
如新添虎翼兵自南中選填材質綿弱而去不知戰鬪見賊即
死傳者皆以為笑朝廷但且以塞數為名而已若月添土兵請
給事恐難行請遇特支比常優加其數或別足南郊賞例以激
其心則其立功必不在東軍之後矣八曰緣邊屯戍騎兵重額
高者無如龍衛聞其間有不能被甲上馬者况驍勝雲武武騎
之類馳走挽弓不過五六回每教皆望塵發箭馬前一二步
身已墮地以戍甲之堅縱使能中亦不能入况未能中之請密
料邊兵益添卒而減騎軍但五分得一足矣以一騎軍之費同

贈步兵二人而又寬市馬之煩擾違害就利莫善於茲也九曰
西賊每至諸城寨不料衆寡並須出戰稍有稽違皆以軍法從
重使趙奢李牧周亞夫授任於今日獲罪必先於諸將矣邊臣
甘死事猶獲子孫之福不敢持重伺隙自取嚴誅今若遇寇大
至且堅壁以守須會合諸路兵馬可以取勝則令出戰若賊衆
不多而畏懦不即追討並行誅之十曰主將用兵非素撫而威
臨之則上下不相附指令不如意西賊首領各將種落之兵謂
之一溜少長服習如臂之使指既成行列舉手掩口然後敢食
廬苗長遙見疑其語言其整肅如此昨任福在慶州蕃漢各已
信服士卒亦已諳練一旦驟移涇原值賊至麾下隊兵逐急差
撥諸軍將校都不識面勢不得不陷覆今請諸路將佐非大故
毋得輕換易庶幾責其成功十一曰古之良將以熱擣士卒為
先所以先者鋒刃之下死生俄頃固宜推盡恩意以慰其心李
牧備匈奴市租皆入幕府為士卒費趙充國禦羌戎亦曰饗

士太祖用姚全斌董遵誨抗西戎何繼筠李漢超當北虜人各
得環慶慶州一州征租農賦市牛酒犒軍中不問其出入故得
戎寇屏息不敢窺邊臣前通判江寧府因造紙甲得遠年帳籍
見曹彬征江南日和州逐次起餉猪羊凶數千斤以給戰士近
范仲淹在延州奏乞此求興軍秦州支米造酒自司之否以爲
無例而罷今請渭延慶三州及諸路部管司並特支米造酒仍
此都管司別給隨軍錢務令贍足除軍員外其餘士卒每一季
或因都關或值出入並須量有需資以慰勞苦古者命將出師
關外之事無不專制財糧用度豈有異司今主兵主財者皆力
敵權均紛然相制豈國家任人責功之大弊邪十二曰功作堅
用中國之所長非戎狄可及今賊甲皆冷鍛而成堅滑光瑩非
勁弩不可入自京齊去衣甲皆軟脆不足當矢石以朝廷之事
力中國之使巧乃不如一小羌乎由彼專而精我慢而略故也
令謂下逐處悉令工匠冷鍛打造純鋼甲鍍發赴緣邊先用八

九斗力弓試射以觀透箭深淺賞罰之間太祖朝舊甲絕為精
好但歲久斷統乞且穿貫三五萬聯為給四路亦足以禦敵也
十三日今春吳賊寇邊器械攻城之具極為拙鈍此時候三備
也料賊年歲間破盡緣邊離落必驅迫漢民屬戶使為先登以
攻城邑邊城一有不守事固可憂今修築城寨雖漸完固其如
軍民不知守城次第請下河北選守城卒三五十人諸處指教
善治器用大為之備賊動必求全常顧後患若邊城堅守攻之
不拔則亦未敢長驅而深入也十四日吳賊黃鼎謀歲深盡更漢
法自作祿書非恩信可以縻文令所能動若非天威振赫大挫
英雄其勢未三緣邊與賊山界相接人民繁庶每求入寇則利
率糧草多出其間山界之民引弓甚勁與賊為戰所謂奚此
背公賊地遙向漢甚近若承戰勝之勢賊若皆散承其不備分
路進兵而攻取之抗禦者誅強降順者招徠之肅無草係之南
徒其間險要可守之地則築堡壘以據之所得土田給與有功

屬戶必不可守則縱兵破蕩以弱賊勢若請命歸款則裁割縱
捨制之在我耳思如此則邊陲可安矣

新刊 國朝一百家名賢文粹卷第六十